

اختر محی الدین سندری افسانہ: کیشہہ اہم پڑاؤ

مشاق احمد مشاق

تلخیص:

کاشر افسانہ کس دستھن و رین ہندس تار تخس منز چھ کم و بیش پنزاہن و رین ڈاڈ گرتھ یہ فن ورتاون وول اختر محی الدین جھول تہ بسیار حسابہ بے بدل ۱۹۵۰ء لیس منز کاشرس منز افسانچہ اتھ نثری صفہ دس ووتھنہ پتہ ژوریا پاٹھ و ہری آ و اختر یس گوڈے اردو پاٹھی افسانہ لیکھان اوس تہ لیس اردو حلقن منز شہرت تہ پذیرایی حاصل اُس۔ مزستھ (۷۳) وری و اُس پر اوان و اکر اختر محی الدین لیکھی پنزاہن و رین دوران لگ بھگ شیٹھ (۶۰) پٹھی افسانہ، وریس اوسطاً اکھا، امہ ستر سپداندا زسہ کوتاہ اوس سنجیدگی تہ محنتہ سان یہ فن ورتاون۔ اختر چھ حقیقی دنیا نشہ مواد حاصل گرتھ نو تہ پرکشش واقعات تہ کردار تخلیق کران۔ اہندن افسانن ہندی اکثر واقعات تہ کردار چھ پران و اُس پنہ اہمیو، سرسا و رک تہ انفر ا دیتگ احساس دتھ ہرکان۔ اہنز زبان چھ کم و بیش پر تھ تخلیقس منز حسب حال باسان تہ اتھ تخلیقی ہنرمندی منز چھ تس ستر آر چیلٹی تہ انفر ا دیت نا کار پاٹھی تہ۔

کلیدی الفاظ: جھول، سنجیدگی، فن، پرکشش، تخلیق، سرسا و بر، انفر ا دیت، ہنرمندی، آر چیلٹی۔

تعارف:

اختر محی الدین سندری پتھ افسانہ اکھ بدون رنگ تہ فضا بہتھ اکر سند تخلیقی سفر ک اکہ پتہ بیا کھ پڑاؤ آسنگ زنتہ دعوا کران۔ خود اختر ن کاشرس گن یس تہ اتھ زبانی منز افسانہ لیکھن چھ تمہ وز کس

نوز اید کا شرس افسانہ کس ارتقا ہس منز اکھ مپلہ گئی گزرنہ پوان۔
 ممتاز نقاد تہ ادبی مورخ پروفیسر شفیع شوق چھ لیکھان ز ”اختر محی الدین نیو افسانو کر کا شرس منز
 افسانچ پڑوایت قائم تہ ۱۹۵۰ ہس منز زامت کا شرس افسانہ لوگ صحیح وتہ۔“ بقول شوق ”ستھ سگر کی افسانہ
 چھ گوڈ نلہ پھر حقیقت پسندی ہند معیار بروٹھ کن انان یمہ باپتھ ترقی پسند تحریک وجودس آمہ آس۔
 باقی لیکھن واکر پیٹہ بلانہ مہ طبقہ نمایندہ بنتھ اتھ طبقس پننن آدرشن ہندس رنگس منز ڈیشان تہ
 پیش کران آس تہ تلو اخترن آدرشن ہندو پردتھو دتہ پوز انسان پرزنوون رثر تہ کور بہتھ، گانہ جار تہ
 ویکڑا بہتھ۔ رومیہ چہ امہ تبدیلی ہند نتیجہ دراودندہ وزن ہو شاہکار افسانہ ستھ منز بریسری واتلہ تہ اشمہ ہنز
 شکلہ سارے آڈر ذاتھ ونہ چھ پوان۔ اتی نار تہ اتی نور۔ اتی غربتس منز بے بس تہ لاچار تہ اتی ژپرڈ
 شامن باگر جذباتن منز وسہ ون سوکل تہ موکل انسان۔“

اختر محی الدین کر ۱۹۵۶ ہس منز پنڑ تہ کا شرس زبانی ہنز گوڈنچ افسانہ سومبرن ”ستھ سگر“
 شالیج۔ ستھ منز ”دند وزن“ تہ ”دریائے ہند یزار“ ہو شاہکار افسانہ بہتھ کل ستھ افسانہ شامل چھ۔ امہ
 پتہ کرن ستی بیاکھ افسانہ سومبرن ”سونزل“ شالیج۔ نقادوچھ اختر محی الدین تہ تخلیقی ارتقا کس تنوٹرس منز
 بیم افسانہ اخترنی گوڈ کا لکو افسانہ گزراؤتھ ہنز ہیبتی تہ موضوعی خصوصیتہ و بڑھنا وان یمن منز ہشر کر تہ
 ہنز کر جو بد کڈر متز۔ ممتاز نقاد رتن لال تلاتی چھ پلاٹ بند آسن اخترنن یمن گوڈ کا لکھن افسانہ ہنز اکھ
 عمومی خصوصیت گزراوان۔ حالانکہ سہ چھ ستھ مضمونس منز گوڈے ظاہر کرنہ آمتس ستھ خیالس تہ پشنہ
 کران ز کا شرس افسانک فنی ارتقا چھ مولہ تلہ رنگارنگ افسانہ ہندس تخلیق کار اختر ہند افسانہ کہ فنی گے
 ارتقا۔

بہر حال یو دے پلاٹ بند آسنہ کڑی امہ دور کر اخترنی ساریوے کھوتہ زیاد توجہ پراون واکر
 افسانہ ”دند وزن“ تہ ”دریائے ہند یزار“ یہ ہشر تھاوان چھ اما دوشوئی ہند انداز و آہنگ چھ بدون۔

”ڈریاے ہند یزار“ افسانس منڑ چھ مجرس منڑ جو آنی ہند رومان انگیز وق کیشون بریشون ہند باپتھ زندہ کرنہ آمت۔ ”دند وزن“ افسانس منڑ چھ لوکچین لوکچین خوشین تہ مسرتن ہند گریلو دند وزنہ بڑ سپدنج باوتھ۔ وونی ہرگاہ دوشونی افسان ہند آغاز وچھویہ چھ الگ الگ اندازک۔ ”ڈریاے ہند یزار“ افسانہ چھ کردارن ہنز عملہ برعکس نبر شالہ تہ خون دید ہند زہٹھ تعارفہ ستی شروع سپد مت۔ اتھ منڑ چھ خاکہ نگاری ہند انداز ورتاوتھ دوشونی مرڈ دیام کردارن ہند تصویر تہ تہنر حالت دیدمان کرنہ آمہ۔ طوالت باوجود چھ یہ تعارف افسانہ کس مجموعی تاثرس بڑر کران۔ تکیا زہ آغاز چھ قاریس امہ افسانہ کس دنیاہس منڑ داخل سپدہ باپتھ تیار کران۔ ستی چھ امہ ستی افسانکین دوشونی کردارن ہنز عملہ باپتھ سٹیج تیار سپدان۔ ”دند وزن“ افسانک آغاز چھ وکھر۔ امہ افسانک آغاز چھ دھماکہ خیز یس سپد سیوہ عملہ ستی سپدان چھ۔ عمل تہ چھ تڑھ یوسہ قاری ہندس تو جس یکدم گرفتار کران چھ۔ اختر نہ گوڈ نکہ دور کین یمن بیشتر افسان منڑ چھ کشیر ہند خاص سماج عکساونہ آمت۔ یمن افسان ہنز دلیل جھنس منڑ چھنہ قاریس کاٹھہ وقت یوان تکیا زہ اختر محی الدین چھنہ واقعات تہ کردارن زانٹھ ماٹھ کاٹھہ استعاراتی یا علامتی رنگ دین یو تھمت۔ واقعہ باونہ تہ بروٹھہ پکناونہ خاطر چھ اختر کردارن مخصوص ناودوان بیمہ ستی ہنز شناخت وکری وکری قائم گڑھان چھ۔ یمن چھ پنڈا اکھ مخصوص سوچن ترے تہ بناوٹ۔

یو گوڈ کالہ کیو افسانو پتہ چھ اختر محی الدین ۱۹۵۹ ہس منڑ ”آدم چھ عجب ذاتھ“ افسانہ لیکھان۔ یہ افسانہ چھ امہ وقتہ کس تنقیدی ڈسکورس منزار تعاش پاد کران تکیا زہ اتھ منڑ چھ اختر یونہ مہ طبعکو نیایے تراوتھ اکہ طرفہ زبانی ہندس الزکارس کن توجہ دوان تہ پیہ پاسہ مابعد الطبعیاتی تصور کن۔ بقول ڈاکٹر مشعل سلطانپوری ”اختر محی الدین سند افسانہ نویسی ہندے نہ کاثر افسانکہ تواریتھک اکھ اہم موڈ چھ تہ ہند اتھ لیکھنہ آمت افسانہ ”آدم چھ عجب ذات“۔ یہ افسانہ آتمہ و لیکھنہ بیلہ کاثرس ادب منڑ ترقی پسندی ہند زور ہنو مت اوس تمن دوہن اوس ریاستی اطلاعات محکم طرفہ تا میر ناو رسالہ نیران تھ شمیم احمد

شمیم ایڈیٹورس۔ امہ رسالہ کس نومبر۔ دسمبر ۱۹۵۹ کس شمارس منزگوویہ افسانہ چھاپ۔ اتھ پٹھ چلیو و تعمیرس منزتہ تعمیر رسالہ ہمز یوٹھ تقیدی بحث۔ اخترس آیہ ٹائپ تہ ژٹٹہ۔ اُمس آورجت پسندونہ تہ فرارو گڑھنچ لیبل تہ لاگنہ۔ تکنیک تہ موضوع آیہ الگ الگ زیر بحث۔ اتھر نحشس متعلق چھ ڈاکٹر رتن لال شاننت لیکھان ز ”کاشتر افسانہ کس تارنخس منزگے نہ تمہ پتہ یژھ ہش سرگرمی نمودار۔“ امہ بروئہ کہ اُس کروامہ سرگرمی ہند ذکر لائم چھ بنان ز ”آدم چھ عجب ذات“ افسانہ چہ مؤلہ ڈلیلہ ہنز بیہ کم کاسہ گتہ کرانہ۔

ملہ سبحان اوس اکھ ہاوس بوٹ وول۔ اُمی ہندس ہاوس بوٹس منز آیہ اکھ میم روزنہ یوسہ دعو دوہس مصوری ستر آور آسان اُس یاگنہ و زتھ تھد کائہہ انگریز کتاپ پران اُس۔ میم اُس کیمبرج یونیورسٹی ہنز ژاٹھ رۇز ہز تہ وارڈس ورتھ اوس من پسند شاعر۔ یہ اُس بالن، سبزارن تہ دویمین قدرتی نظاران ہندو تصویر بناوان روزان۔ ملہ سبحان ہے پرژھ ہس یہ کیا ز چھکھ کران سو اُس دپان زیمہ تصویر وچھتھ گڑھ تہ کین لکن پیٹہ کہ حُنگ احساس یم نہ یوریتھ یہ وچھتھ ہکین۔ ملہ سبحان اوس زائُن یژھان ز حُنگ احساس پادگرہتھ کیا سنا گڑھ تمن؟ اُخر مقصد کیا اتھ؟ میمہ ہند سمجھاونہ پتہ تہ اوس نہ فکر تترتھ ہرکان۔ صرف اوس افسوس ز رمضان ہے زند آسپے یمہ کتھ ہیکہ ہے سمجھتھ۔ رمضان چھ اوسمت ملہ سبحانس نچو۔ اکھ ہائز کوٹ۔ کم زیاد پورمت لیو کھمت۔ تس چھ شوق اوسمت کشر ہبر گڑھتھ پھیر ہے دویمین ملکن تہ وچھ ہے دنیا۔ دویمس عالمگیر جنگس منز آوتس رنگروٹ بنگ موقعہ سہ ژؤل گر تہ گو و بھرتی۔ ژون و رین رۇ و مختلف ملکن ہندین جنگی محاذن پٹھ پھیران تہ تنیگ حال احوال وچھان۔ اتھ دوران بیلہ زائہہ مائلس چھ لیکھ ہا، لیکھان اوس سوہے دُنیا چھ اکھ واران جہتھا۔ کشر ہیو حُسن چھنہ گنہ تہ، نہ چھ تھ جوہ نہ جواب۔ جنگ موکتھ بیلہ رمضان گر واپس آو سہ اوس بدلے آدما باسان۔ مائلس باسیوس تس چھ کیا تام گو مت۔ سہ اوس صبح شام عجیب حالہ آسان۔ پیٹہ کین بالن، کوہ

تینٹا لہن، سبز ان، جنگلن، سرن تہ جوین ستر او سس عشق گو مت۔ سہ اوس شکار منز ڈلس پھیران روزان تہ آ بس منز او ند پوک و چھان روزان۔ تس اوس حارتھ زلس سندر مائلس کیا ز چھنہ امہ حسنگ احساس۔ یوان یوان آوہر دسبز ان ہنز حالت بدلے یہ۔ گلہن پوپن درمن گو و ہو کھان، ونہ ہیوٹن واٹن، تر بڈیہ، ڈل لوگ، ششتری روٹ سو رے تل۔ نہ گنہ آب نہ تمن نظارن ہند عکس نہ حسن۔ سہ رو دمائلس پر ژھان زیتھ کیا گو و تکر وؤنس ونہ نیرن پیہ پھیر زندگی پیہ سہ حسن واپس۔ سہ دُنیا سہ عالم۔ پوز سہ پراریونہ اکہ دوہہ و چھکھ تسنز لاش ڈل دندر ششتر لگو متس آ بس پٹھ۔ اتھ واقہس آس کر تام وری گا ستر۔ اکہ دوہہ گپہ میم ملہ سبحان ہتھ شالمہ ارباغ۔ میم رو ز دوہس تصویر بناوان۔ لوسہ ونہ آفتاب بیلہ اتہ درایہ دو پُن ہتھ کوہہ تینٹا لہس کھسہ۔ مجبوراً در اس ملہ سبحان تہ ستر۔ سور و ز رو ستر کچہ ہند کر پٹھ کر ژھالہ دوان۔ سبز و وگنیار و پٹھ و وٹہ و وٹہ کھسان و اژ تالہ پٹھ۔ ملہ سبحان س دو پُن ازل لاگ۔ تکریتھے ازل لوگ میمہ ہنز نظر آہ فضا ہس منز چھکر اونہ تہ زنتہ را و۔ امہ و ز اوس دوہ لوسنس تیار۔ شفتک و وز جا اوسن کوہ بالن پھیرن ہیو مت۔ یمن پٹھ اوس شین آفتابہ ز ژ و ستر پر بز لان۔ میم گپہ ہے بنگہ۔ حارتس گوتھتھ آس سوچان یہ منظر ہیکیا کا کدس پٹھ ہتھ۔ فن کار چھ حسن مکمل کران۔ پوز ہتھ کیا ہیگیہ ہر راونہ ہتھ۔ سو گپہ زنتہ رو زتھ۔ سو آس زنتہ امی نظارک اکھ حصہ۔ ملہ سبحان و ژس کر بکھ ”میم صاب“۔ سو گپہ زنتہ مز بند رہشار، سو چن زے و تہ چھے۔ یاتہ یہ سو رے وٹھ ڈیونگ کرتھ پھنس روحس منز شتر پراون یا پُن روح آزاد کرتھ اتھ حسنس منز تحلیل کرن۔ دؤ را کس کوہ مالہ گن اشار کران و ژھ ملہ سبحان گن۔ ”ہتھ کوہ تینٹا لہس پٹھ آ سیا کا نہہ روح“۔ تکر وؤنس ”آ۔ سلیمان ٹینگس پٹھ چھ اکھ روح میانس رمضان روح۔“ پتہ وؤنی نس رمضان سارے دلیل۔ میمہ باسیو زنتہ کا نہہ بوڈ مشکل حل سپد۔ تمہ وؤن پانسے ستر ”پُن روح آزاد کرتھ چھ اتھ حسنس منز تحلیل سپدن۔“ گنی و وٹھ تلتھ آہ یون لاینہ تہ کو رن پُن روح آزاد۔ میم صابنہ مرنہ دراو زنتہ ملہ سبحان نہ پر پڑ جواب۔ سہ اوس گر گر و نان

”از در او کتھ شل۔“ تس باسیور رمضان، پٹن پان تہ میم صاب زنتہ اُکسی ہانکلہ ہندو کُرد۔

”آدم چھ عجب ذات“ افسانہ چھ اوتام راتج کاشتر افسانہ نشہ بلکل مختلف۔ نہ چھ اتہ ترقی پسندی ہند آدرش وادنہ سماج عکاسی یہ چھ بدلے دنیا بروئہہ کن انان۔ اتھ منز چھ text کھوتہ زیادہ سب ٹکسٹ اہم باسان۔ یہ چھ کیا تام تہ باوان یہ نہ افسانس منز بظاہر باونہ آمت چھ۔ امہ افسانہ ستی یوسہ تنقیدی سرگرمی پادگیہ تمہ ستی سہز کاشتر زبانی منز افسانگ فن بروئہہ پکناونچ وتھ ہموار۔ ووں گو واتھ افسانس متعلق چھ تہ پٹھ از تام ز مختلف رایہ۔ اکھ راعے چھ امہ کس اعلیتیس پٹھ سوال تکتھ امہ کس کامیاب فنی تجربہ آسنس پٹھ سوال کھڑا کران۔ تہ بیا کھ راعے چھ یہ زیہ چھ کاشتر ادبہ کس توار تنخس منز اکھ پاتھ بریلنگ شاہکار۔

”آدم چھ عجب ذات“ افسانگ پلاٹ چھ دون کردارن متعلق دون قصن پٹھ مشتمل۔ رمضان تہ میم۔ اُکس کردار سُنڈ قصہ چھ سوال تُلان تہ دویمس کردار سُنڈ قصہ چھ اتھ جواب فراہم کران۔ رمضان قصہ چھ سوال تُلان زسہ کیا زمو دیا تکی کیا زمو رپان۔ یوہے سوال چھ ملہ سجانس و اُراگ تُلان میمہ ہند فصیح عمارت چھ اُتھی سوالس جواب ژھانڈنہ باپتھ کھڑا کرنہ آہنہ۔ امی ستی دراوملہ سجانس کتھ شل۔ افسانہ چھ عدالتس منز ملہ سجانس سزاملینہ ستی شروع کرنہ آمت۔ اما پوز ملہ سجانن مجرم یا بے گوناہ آسن چھنہ اہم۔ اہم چھ ملہ سجانس ذہنی کھرس جواب میلن۔

بہر حال اتھ افسانس متعلق یم زو کھر رایہ ۱۹۶۰ ہس منز تعمیر رسالس منز بڑ وئہہ کن آہہ الگ الگ نقاد تہ قاری چھ از تمن ہندو روادار۔ کاشتر ادبہ کس تار تنخس منز چھ شفیع شوق امہ حوالہ لیکھان ”یڈوے افسانس منز صرف دلیل ژھارن و اُلس یہ افسانہ خوش کرتہ مگر حساس ذوق تھاوان وول چھنہ امہ کین کردارن تہ واقعہن ہندس آسنس پٹھ پڑھ ہرکان کرتھ۔“ تعمیرس منز شالیج تنقیدس منز اوس رحمان راہی ین یتھے خیال بوومت یتھ برعکس رسالہ کو ایڈیٹر شمیم احمد شمیمن افسانہ کو کردار رومانیٹیکو نمایندہ

کردار قرار دے رہی ہندی ساری اعتراض رد کر دیتی ہے۔ شفیق شوق سبزی راہیہ برعکس چھ سر کر دے افسانہ نگار فاروق مسعودی مانان ز ”یہ کہانی چھ بہ یک وقت اکھ suspense تھر لرتہ قدرتی حسن متعلق یسلہ ٹریوٹ آسنہ علاوے ہون قارئین تصوف کین مختلف حالن ہند تجربہ پتہ اکھ دایم مقام پراونگ احساس تہ ووتلاوان۔ پتہ عام زبانی منز فلاح ونان چھ۔“

یہ کتھ تہ چھ قابل توجہ ز تمام تر تنقیدی مباحثہ باوجود بنوہ افسانہ ”آدم چھ عجب ذات“ کاٹھہ ٹریوٹ سبزی افسانہ، نہ لپو کھ اختر نے اتھر نگلس منز امہ پتہ افسانہ تہ نہ ٹی سند امہ افسانہ ستر متاثر سپد تھ پیہ کاٹھہ افسانہ نگارن امہ گاچہ۔ اتھر برعکس چھ اختر محی الدین شیڈ پتہ لپو کھمت افسانہ ”ژس“ اکھ رحمان ساز افسانہ بنان تہ اختر تہ کاٹھر افسانگ اکھ یو ڈ پراونٹا بت سپدان۔ ڈاکٹر تن لال شانت چھ امہ حوالہ لیکھان ”پتہ اختر محی الدین سند افسانہ ”ژس“ شایع گو وپرن وائلس باسیوز کیا ہتام ز بردس تبدیلی چھ آمہ پتہ زندگی ہند ز اوڈ جار مجھنس منز پتہ کاٹھر افسانہ کس زندگی گن ر ولس منز کاٹھر فکشن عام طور تہ افسانہ خاص طور اوس نہ تیتھ جامع، ہر دلعزیز، اکیڈمک یاد انشورانہ ہیو ز زندگی ہندن ز اوڈ جارن کر ہے کاٹھہ ٹوے وکھن۔ اما پوز افسانگ ر وپہ اوس ضرور بدلیو مت۔“

ر وپہ چہ تبدیلی اُس نہ ہر و مرو، یہ اُس عالمی ادبس منز آمتہ بدلا و کس تنو طرس منز پتہ باقی بار تبدیلی یں ستر ستر سائیس تحریکوز زندگی تہ ادبگ اوند پوکے بدلوومت اوس۔

فرائڈ، ایڈلر، یونگ، مارکس بیتر سائیس دانو اوس انسانی ظاہرس تہ باطنس متعلق انکشافو ستر سوچھ بدلوومت۔ سائیس انقلابن لینن، گاندھی، کروچے، ایلیٹ ہوو مفکر و بدلوو ادبگ ر وپہ، نفسیاتگ تحقیق بنو افسانہ نگار سند خاطر خام مواد، سماج مرکوز افسانہ بجایہ آو ذات مرکوز، افسانہ بارسس تہ انسانس بٹھ ازلی تہ آفاقی سوال پیے افسانن ہند موضوع۔ ”ژس“ چھ کاٹھر منز امہ تبدیلی ہنز اکھ بڈ مثال۔ یو دوے اختر محی الدین امہ بروٹھ تہ ”قاسم صاب“ تہ ”ر اچھ“ افسانہ لیکھتھ پنز ذات افسانگ

موضوع بناوئس دس تئان چھ اما ”ژس“ افسانچ اہمیت چھے یہ زاتھ منز چھنہ صرف تی تہ تیوتے ونبہ آمت
یتھ بظاہر باوتھ سپدان چھے۔ اتھ منز تہ چھ اکھ واقعہ مگر واقعہ چھ یون ثانوی سو تھرس پٹھ اتھ منز چھے
نریشن عام ہمعصر افسان ہش مگر سہ چھنہ مفروضہ دلیل و نان۔ افسانہ چھ اُکس سبھہ شعوری عملس منز
واتناوان پیتہ مانے کھوتہ محسوسات اہم چھ۔

”یہ پوت اون خبر کمہ طرفانہ پٹھ گائٹہ جونٹھ دتھ۔۔۔۔۔ مگر وشفہ کنی پیوس یہ وکس سیو دے پو
سائس آنگنس منز۔ آنگنہ منز پیتہ اُمس پٹھ اکھ مے نظر پیتہ ہولس اُس دورے دوشوے اُمس پتہ بہ تہ
تہ ہون تہ۔ مے لوگنہ اتھ ہونڈی روٹ ہونٹ مارن۔ مے تچ کنی خوفہ ستی تر و ہونڈی اتی تہ ژول۔ وونڈی
اوسس بہ گنے زون۔ یہ اوس ژلان مگر کوت۔ مے روٹ، مے۔۔۔۔۔

اسہ چھ گرس منز کو کر۔ مے زون زہ پوت لسہ اتی وار وار گتھ یوڈ، یوڈ گتھتھ مارون۔ مارون تہ
کھیون مے تل تہ تر ووم پینے ستی۔ دیو پنہ ذہ تہ ہندری جانور وچھتھ اُمس تہ بیم ژلہ گائٹہ کھنڈی پیلہ بہ
مُرس نظر دینہ گوس چھہ خبر اتہ کیاہ اُس دلیل

پوتس نیومت کو کرو مسلہ تلٹھ۔ اُمس کمرچ اُڈج تہی۔ اُکس کونس گن بہتھ ہارتھ تہ پھونگتھ“
افسانک پوت چھ بیشتر زوز اُژن ہنز نمایندگی کران یم اکھ اُکس نش خوف کھوان چھ تہ یمن سارنہ
موت انجام چھ۔ پنہ موضوع تہ ہیو اعتبار چھ یہ افسانہ سبٹھاہ قابل توجہ اتھ چھ ہندی، اردو تہ انگریزی
زبان منز تہ ترجمہ کرنہ آمت۔ ہندی رسالہ ”کوفیتس“ منز شالیج گرہنس پیٹھ چھ رسالک ایڈیٹر اتھ
افسانس متعلق پنن تاثر تہ کئی بیان کران۔

”پچھلے پانچ سال کے دوران میں نے بھارت کی سبھی بھاشاوں سے کہانیاں چھاپی ہیں، ان
سب میں سے پرسد یہ کشمیری کہانی ہے۔“

”ژس افسانکو پاٹھی چھے ۶۰ پتہ لیکھنہ آمین اختر محی الدین ہندین افسان ہند موضوع مُز کہ

آدم سبزی حیثیت، کایناتس متعلق تگر سبزی زان، بے بسی تہ مجبوری، موتک خوف، زندگی ہنز معنویت تہ اچج بے معنویت، تہتھین افسانن منز چھ عملہ ہنز بے ترتیبی علاو پلاٹ چہ عملہ منز گنہ گنہ تھین تہ محسوس سپدان۔ افسانہ پران پران چھ ہم تھین پانے قاری یس پر وڈی پیوان۔ کینون جائن چھ کردار کایناتج وسعو سنتھ حارتس منز گیر گرهان۔ تم چھ سوزبان بولان تہتھ تشلیک پر یڈان چھ۔ ارتقا چھا کانسہ سامرتھ، ژے چھک ژے چھک، گاہے تا پھ گہے شہل چھ امہ نوعیتکو اہم افسانہ:

یہمہ مضمونک مقصد چھنہ اختر محی الدین نس افسانہ نویسی ہندس فنس کا نہہ کلہم سام پیڈی، گنہ ا کس مقالس منز چھنہ ممکن تہ۔ اختر نہ افسانہ کو اہم پڑاو وڈاوان چھ تہندک تم افسانہ تہ قابل ذکر ہم تگر پنہ زندگی ہندس لگ بگ ا خری دہلس منز لیکھو۔ یہ چھنہ اختر سند فنی ارتقا کہ پڑاو بجایہ کشیر ہنز اجتماعی زندگی ہندہ اکہ خاص پڑاوک معاملہ۔ تہ دوران وولہ ہر شہ، زندگی ہندس پر تھ طرفس، پر تھ شعبس، پر تھ طرفہ نال وول۔ موتک احساس تہ کرب بنیو وودو ہدش چہ زندگی ہند حصہ۔ حساس فنکار، سہ تہ افسانہ نگار کتھ ہیکہ ہے تہتھ صورتحال نظر انداز کر تھ تہ متعلق را ہی ہوڈ شاعران وون۔

گس اوس کیا ز مور کھ لاش کو ت کر کھ
ہنس کتھس گنی کتھ خبر تہ خاموشی

امی صورتاچ انتہایی پر اثر فنکارانہ باوتھ چھ اختر محی الدین ”جلہ ہندک دند پھلی، نو بہارک بیتر افسانن منز لبہ یوان تہ اتھ رنگس منز تہ چھ اختر پننن مخصوص فنکارانہ ر و یہ پانناوتھ اکہ بیون طرح قائم کران۔

حوالہ جات:

- ۱۔ کائٹرادبک تو آرنج، ناجی منور شفیق شوق، کائٹر ڈپارٹمنٹ، یونیورسٹی آف کشمیر، ۲۰۱۸
- ۲۔ انہار، اختر محی الدین نمبر، کائٹر ڈپارٹمنٹ، یونیورسٹی آف کشمیر، ۲۰۱۸
- ۳۔ کائٹر افسانہ منزل تہ منار، رتن لال شانیت، ۲۰۰۸
- ۴۔ از یک کائٹر افسانہ، رتن لال شانیت، ۲۰۰۸